

नेवा: पोष्ट मेची निसें महाकालीतकया नेवा:तय्गु न्हिपौ

# नवाइ द्याइ

## यँ देसय् आ: त्वा: बहा: मखु, लँपुया नां तइगु

यँ (नेवा: पोष्ट) / यँ देसय् आ: तक थी थी थायवाय व बस्तीया नां त्वा: बहाल म्हासिका वयाचंगु व उकथंया छगू त्वा:या चाकलय निपु स्वपु लँ ल्वानाचंगु व छपुहे लँपुइनिगू स्वंगू त्वा: लानाचंगु जुयाचंगुली आ: भीथाय नं विदेशया ततःधंगु शहरय्थें तुं लँपु लँपुया नां छुइगु व बहे नां तया: छैबा पतिक न्हूगु छैया ल्या: (नम्बर) वीगु जूगु दु ।

यँ महानगरपालिका न्याकेत्यंगु थुगु ज्याया निमित्त एशियाली विकास बैकपाखें प्राविधिक ग्वाहालि वःगु खँ सीदुगु दु । यँ मनपा २ वडाय ज्याकुथि तया: न्याके धुकूगु थ्व न्हूगु 'अभियान' आ: २, ५ व २० वडाय जुइगु खँ महानगरपालिका सूत्रं धाःगु दु ।

थुगु ज्याय सनाचर्चिपि इञ्जिनियर व शहरी योजनाकारतसें धाःकथं थुकथं लँपुया नां छुइवलय फयाफच्छि त्वा:या पुलांगु नां हे स्वकया: उकिया ल्यूने 'मार्ग' धइगु

खँव: छयला: लँपुया नां छुइगु व गल्लिगल्लिइ व माल धा:सा जक न्हूगु नां तयेगु ज्या जुइगु खँ धयादीगु दु ।

तर छपुहे लँपुइ निगू स्वंगु त्वा:या नां चंगुली छगू जक नां जुइवलय तःधंगु त्वा:या नां नइगु व उकथंया चिचीधंगु त्वा:या नां हे तनावनीगु खःला धइगु आशंका नं पुलापिं छम्ह निम्ह मन्तसें प्वका: हःगु दु ।

नेपालय आ:तकं ततःधंगु राजमार्गया नां छुइगु व यँ धर्मपथ,

शुक्रपथ, गंगापथ, पृथ्वीपथ, रामशाहपथ धका: नां तःसां पुलांगु त्वा:या नाम हे थायवाय म्हासिकेगु चलन जुयावयाचंगु खः । यँय दक्कलय न्हापां वि सं १९६५ पाखे त्वा:या नं तया: छैया नम्बर वीगु व उगु त्वा:या नां दुगु नम्बर सिं वा पाताय क्रिया: तायेगु ज्या जूगु खः ।

वयांल्यु वि सं १९८४ सालपाखें ब्लकया नम्बर तया: उकिया क्वसं सिरियल नम्बर तया: वियातःगु ब्लक नम्बर ता: ई तक कायम जुल । वयांल्यु २०३९-४० साल पाखें 'क'

'ख' तया: न्हूगु ब्लक नम्बर विल, गुगु उपायचव प्रचलनय वये मफुत ।


तर आ: वीगु लँपुया नामाकरण सहितया न्हूगु छैया नम्बर हुलाकी निसें कया: न्ह्याम्हेसितं नम्बर दयेवं छैबा मालेत अःपुइगुव उगु हे ल्या:या ल्याखं निर्वाचन आयोग, विद्युत प्राधिकरण, खानेपानी संस्थान आदि थीथी निकायतसें नं ज्याय छयलेफइगु जूगुलिं थ्व दक्कले वैज्ञानिक छैबा ल्या: जुइगु खँ उगु ज्याय दुथ्या:पिं मन्तयसं दावी याःगु दु ।

## जुजुं अधिवेशन सःता बिज्यात

यँ (नेवा: पोष्ट) भी जुजु श्री ५ वीरेन्द्र वीर विक्रम शाहदेवं थ्वहे वइगु ने.सं. ११२० सिल्लागा एकादशी (फागुन १८ गते वधवा:) संसदया भिन्हयक्वःगु अधिवेशन सःता: विज्याःगु दु ।

नेपा: अधिराज्याया संविधान २०४७ या धारा ५३ या उप-धारा (१) या कथं न्हिनेसिया निता: इलय उकथंया अधिवेशन आकान याना विज्या:गु खँ संसद सचिवालय पाखें म्हागः जारी याःगु सुचल्य धयातःगु दु ।

थ्व अधिवेशनय सरकारं छु छु विधेयकत हइगु खः, व प्रष्ट मजुनि ।



गोकर्णय फोहर बाके विइगु कि मविइगु धका: वलनाचंगु विवादय स्थानीय विकास मन्त्रालय, कामपा व गाविसया विचा: अन तिका:तःगु दु ।

## बंगलादेशय स्वन्हु तक हडताल

विवादास्पद जन सुरक्षा कानूनयात म्हागः बंगलादेशया राष्ट्रपति शहाबुद्दिन अहमद लाचिं तयेधुका: उकिं कानूनी मान्यताप्राप्त याःगु दु । थ्व कानूनया विरोध मानव अधिकारवादी व विपक्षीतयसं यानाचंगु दु । विपक्षी-तयसं थौनिसें स्वन्हु तक हडतालया आकान याःगु दु । विपक्षीतयत दमन यायेत छयले फुगुलिं उगु कानूनयात 'हाकुन् कानून' नं धयाचंगु दु ।

## सलमानयात स्याये हे मा:

छगू विवादास्पद उपन्याय चवःगुलि इरानी कट्टरपन्थीतयसं सलमान रुडीयात स्यायेत 'फतता' जारी याःगु म्हागः ११६ फुतः । थ्वहे भवलय म्हागः इगतय जूगु सभाय कट्टरपन्थीतयसं अझ नं सलमानयात स्याये हे मा: धका: धाःगु दु ।

## सैनिक खर्च अक्कल

श्रीलंकाय म्हागः दक्कसित अजु चायेका: राष्ट्रपति चन्द्रिका कुमारा-तुङ्गा थम्हे हे वजेट भाषण वियादिल । वजेटय वयकल सैनिक खर्च अक्क-तयादिगु दु । व्यागल च्वने ययेकीपिं तामिल टाइमसंतयगु संघर्ष देया अर्थ व्यवस्थायात वामलाक्क लिच्च: लाका-चंगु विचा: वयकल वहे भवलय प्वका: दिल ।

## विहारय थौं नं चुनाव

उकुन्हु चुनावय हिंसाया हुनिं स्यागत जूगु भारतया विहारया १८७ मतदान केन्द्रय थौं हाकनं चुनाव जुइत्यंगु दु । अथेहे भारतया विपक्षी पार्टी कांग्रेस संविधान संशोधन यायेत सरकार दयेकूगु आयोगया निन्दा याःगु दु ।

## स्वनिगः दुते थौं

प्रशिक्षण गोष्ठी उलेज्या थाय - इञ्जिनियरिङ्ग कलेज पुच्व: ई - १० ता: इलय । पत्रकार सम्मेलन, थाय - होटल गणपति, चागवजा: ई - २:३० ता: इलय ।

## लुं, बहःया भा:

०५६ फागुन ३ गतेया भा: १० ग्राम छापावाल लुं ७४५०/- तेजाबी लुं ७३८००/- बहः १३३/- सौजन्य सुनचौदी व्यवसायी संघ

## मरु त्वालय कुमारी पूजा तःजिक क्वचाल

यँ (नेवा: पोष्ट) / यँया मरु त्वालय च्वंगु अशोक विनायक आराधना तदर्थ समितिया ग्वसालय म्हागः मरुइ द्वा:छिम्ह चयम्ह कुमारी पूजाया ज्याभव: तःजिक क्वचाल । सित्यं सतःया थारसिनसें कया: लायकू लागया महाद्य: पार्वती देग: तक्या चक्रेगु चुकय मुपिं मस्तयत दक्कलय न्हापां ग्वसा: खल:या छयाञ्जे विद्याप्रसाद भां पूजा न्यायाकादीगु खँ उगु ज्याभव:या ग्वसा:ग्वपिं मन्तसें धाःगु दु । ग्वसा: खल:या पाखे याःगु पूजाया लिसेलिसें सलंस: मन्तसें कुमारीयात दक्षिणा व नसात्वंसा देछाःगु खनेदत ।

## साउदी अरबया सतक दुर्घटनाय निम्ह सित

यँ (नेवा: पोष्ट) / साउदी अरबय जूगु छगू त्याक्सी दुर्घटनाय लाना निम्ह नेपा:मि नाप छम्ह साउदी नागरिक घटना स्थलय तुं सीगु दु । सीदु कथं साउदी अरबया दमाम व अण्डेक राजमार्गय खुम्ह नेपा:मि त छगः त्याक्सी च्वनावनाचंगु खः । आकाभाकां जूगु उगु दुर्घटनाय लाना नेपा:या नागरिकपिं तेन्हुथुम आमवुक-९, वडया वलवहादुर गुरुङ व बानेशोक देउराली-२ वडा स्याइजाया जमानसिंह साकी नाप साउदी अरबीयत चालक घटनास्थलय हे सीगु खः । नापं त्याक्सी च्वनाविपिं मेपिं प्यम्ह नेपा:मित आइतवहादुर तामाङ धादिङ, गिरिधारी भण्डारी स्याइजा, प्रेमवहादुर गुरुङ तेन्हुथुम व रुपवहादुर शाही तनहुं वामलाक्क धा:पा: जूगु दु ।

## लिम्बू भाषाया संकिपा यँय क्यनीगु

यँ (नेवा: पोष्ट) / लिम्बू जानकारी व्यूगु दु । भाषाया संकिपा थ्वहे वइगु पुस महिना सुरज सव्वां निर्देशन निसें यँय क्यनेत्यंगु खँ सीदुगु दु । "आनीशाकिथम" (फ्रीगु संस्कृति) नांगु उगु भिडियो संकिपा पाथीभरा फिल्मस प्रा लि.पाखें दयेकूगु खः । किरात धर्म महागुरु फाल्गुनन्द लिडदेन व किरात भाषाया विद्वान शिरजंग थेवेकोया जीवनय आधारित उगु संकिपा भाषाया दमकयनिन्हुयक क्यनेगु ज्या क्वचाःगु खँ राससं

## फोहर वा: वइ धका: पा: बियाचवन

यँ (नेवा: पोष्ट) / गोकर्ण डम्पिङ्ग साइटय वंगु फागुन १ गते निसें फोहर वा: वइ धका: मूलपानी गाविसया स्थानीय वासिन्दात धनां च्वनाचंगु थनिं स्वन्हु दत । म्हागः नं अन फोहर कुके हःवलय स्थानीय मन्तयसं फोहर दुगु गाडी नाप लिने छव्या: हःगु खः । थौं नं सुथनिसें मन्त फोहर वाय हइ धका: पा: च्वनाचंगु दु ।


स्थानीय विकास मन्त्रालय, कामतपा व मूलपानी गाविसं दथुइ जूगु सम्झौता कथं माघ मसान्त तक जक गोकर्णय फोहर बाके वीगु सम्झौता जूगु खः ।

आ:तक नेपा:या हे राष्ट्रिय समस्या कथं पिलवया च्वंगु फोहरया समस्यायात समाधान यायेगु लँपु श्री ५ या सरकार लुइके मफुनिगु अवस्थाय म्हागः निसें वुलहुं यँ व यल देशय फोहर मुनेगु सुरु जूगु दु । गोकर्ण डम्पिङ्ग साइटय माक्व: स्वयां अप्पो

## यल मंका: खल:या तःमुँज्या च्वनीगु

यल (नेवा: पोष्ट) / नेपालभाषा मंका: खल: यलया च्याक्वःगु तःमुँज्या थ्वहे वइगु चैत ५ गते यायेत्यंगु दु । नर्कतिनि च्वंगु खल:या मुँज्या उगु खँ क्व:छयूगु खः । खल:या सकले दुजःपिन्त थःधःगु दुजः न्हा: (नविकरण) यायेत नं नेपालभाषा मंका: खल:या छयाञ्जे किरण शार्किय इनाप याःगु दु ।

खलकं पिकाःगु विज्ञप्तिइ वंगु जःमुँज्याय भिका: विधान पारित जूगु कथं खलकय खल: पुच: दुजःया नापं म्हाछि (व्यक्तिगत) दुजः नं जुइफइगु प्रावधान दुगुलिं न्हू दुजः जुइत नं इनाप दु धका: उल्लेख यानातःगु दु ।



फोहर मुने धुकुगुलिं गुगु नं इलय अन चल: वल धा:सा उकिं डम्पिङ्ग साइटया क्वसं च्वंगु तिवारी गांयात वामलाक्क ल्हाइगु जूगुलिं अनया मन्त चिन्तित जुयाचंगु दु ।

स्थानीय विकास मन्त्रालयया सचिव उदयरज सोतीं मूलपानी गाविसया मन्तयत धौं लायेकथं गोकर्ण डम्पिङ्ग साइटया वारे गुगु पं लिखित सम्झौता जूगु मदु धका: न्यकाचंगुलिं तमं मूलपानी गाविसया वासिन्दातयसं वंगु श्रावण २५ गते स्थानीय विकास मन्त्रालयया

ज्याकुथिइ जूगु निर्णयया फोटोकपी हे डम्पिङ्ग साइटया मू गेट नापसं छपा: बोर्डय तिकातःगु दु । म मेखे यँ महानगरपालिकाया मेयर केशव स्थापित धा:सा मूलपानीया लिक्कसं च्वंगु डाँछि गाविसय स्वलाया नितिं फोहर बाँछवयेगु वारे खंलायत व्वायं जुयाचंगु दु । सीदु कथं डाँछि या स्थानीय मन्तयसं स्वलातक जक फोहर बाके वीत थःपिगु नीपी वुं उपलब्ध याकेगु खँ मौखिक रूपं धाःगु दु, उकि डाँछिया वडा अध्यक्ष नं सहमति विइ धुकुगु दु ।

## सामन्तया प्रतिक पुत्ला च्याकल

यँ (नेवा: पोष्ट) / जातीय हुनिं थीत्य: मत्य: धैगु भेदभावया विरुद्ध सामन्त मन्तया प्रतीक पुत्ला च्याकूगु वुखें थ्यंक: वःगु दु ।

मुक्ति समाज मोरङ जिल्ला कमिटीया ग्वसालय वंगु आइतवा: मोरङ जिल्लाया पथरी गामय पुत्ला च्याकूगु खँ सीदुगु दु ।

जातीय भेदभावया विरुद्ध छगू जुलुस पथरीया वजा: चा:हिला:

छगू कोणसभा यासें उगु पुत्ला च्याकूगु खँ सीदुगु दु । उगु जुलुसं "धौया एक्काइसौ सताब्दी जातीय समानतामूलक युग खः, छुवाछूत भेदभाव याइगु सामन्तवाद मुर्दावाद, संविधान व कानूनयात व्यवहारय लागू या:" धका: नारा थ्येकूगु खँ सीदुगु दु । उगु जुलुसय स्थानीय दलिततयसं व्विति काःगु खँ ग्वसा: खलकं धाःगु दु ।

## धुँया आक्रमणं प्यम्ह धा:पा:

खप (नेवा: पोष्ट) / खप जिल्लाया कतुञ्जे गाविस वडा नं. ४ या गहिरोडोलाया भालय च्वनाचवम्ह धुँयात ख्यायेत विपिं प्यम्ह ल्याय्म्हत धुँ आक्रमण या:वल्य धा:पा: जूगु खँ सीदुगु दु । व हे गाविसय च्विपिं सुरज थापा मधुकृष्ण गुभाजु, मणिकराज नेपाल व परशुराम खिउँजु वंगु फागुन १ गते ल्वाभ: च्वना: उम्ह धुँयात ख्याना: छवयेत वंगु खँ स्थानीय मन्तयसं धाःगु दु ।



# नवाह्म द्याज्ञा

## सम्पादकीय

### फोहरया समस्या गुबले ज्यनी ?

न्यनेदु, येँ महानगरपालिकां फोहर मैला व्यवस्थापनय् जक लय् च्यय्गु लाख तका दां खर्च यानाचवंगु दु । थुकथं देय् थव खर्च ९ करोड ६० लाख तका थय वन ।

थुलि मछि ध्यवा खर्च याना: न येँय् फोहरया समस्या इलय् ब्यलय् ब्लड प्रेसरया ल्वय्थेँ लिसा-लिसा कया: तच्चया वडगु छाया ? थुकिया लिसलय् धाइ- दां खर्च याना: फोहर मुना: उकियात ट्याक्टर, टिफर, कम्प्याक्टरय् तया: ब्वाजक ब्वाकां छु यायेगु ? फोहर गन यंका: वायेगु ? फोहर छु यायेत वाये माल ? कम्पोटिड याना: सा: दयेका: म्युसां ज्यु नि । ख.; तर गन यंका: कम्पोष्ट प्लान्ट दयेकेगु ? महानगरपालिका दुने गन भचा ज:ख: बस्ती स:मतीगु व प्राविधिक रुपं न ल्व:गु थाय् दुगु मखु, गामय् यंके धा:सा गन गामय् तयेके बीगु मखु ।

समस्याया हा आ: थनहे यानाचवंगु दु, गुगु महानगरपालिकां जक न्याये दुगु खँ मखु । अथे जूगुलिं सरकारं हे थव सम्बन्धय् ठोस निर्णय यानाबीमा: धइगु खँय् निगु मत दइमखु जुइ । स्पुपिनिगु धापूकथं थव मामलाय् आ:तक गुबले ल्वय् तच्चल उबले जक वास: मा: वनेगु ज्यां सकतां स्पंकाचवंगु दु । थथे मजुसे सरकारं छगु परियोजना हे दयेका: थव ज्यायात मिशनया रूपय् का:गु ख:सा आ: याकनं हे थुगु समस्यायात हां लिसेँ लिना: छ्वये फइगु ख:ला ?

## सिइके बह:गु खँ

### दकलय् न्हापां...

- साहित्यिक संस्था नीस्वंगु व उकेया संस्थापक - नेपालभाषा साहित्य मण्डल (ने.सं. १०४६, कलकत्ता) धर्मआदित्य धर्माचार्य ।
- मचा सफू पिहां वंगु - नेपालभाषा रिडर (१०५३ शुक्रराज शास्त्री ।
- बौद्ध धर्मेया भजन सफू - ज्ञानमाला (१०५९ सारनाथ) ।
- नेपाल लिपिया सफू पिहां वंगु - नेपाल देशया अक्षर बोध (१०६०) पन्नाप्रसाद जोशी ।
- नेपालभाषां वडकाष्ट जूगु रेडियो - पेकिड रेडियो, चीन, भिक्षु धम्मालोक पाखें ।
- वेलायतया विश्वविद्यालय नेपालभाषाया प्रोफेसर जुयावंध - पुष्कर शम्शेर जवरा ।

## छिं स्यसा धयादिसँ - त्वा:देवा त्याकादिसँ

नेपाल भाषाया ज्याभव: गुगु एफएम रेडियो दकलय् न्हापा न्याकागु ख: ?  
लिस: .....  
तां: ..... थायवाय

न्यस:या पाय्छि लिस: थ्वहे वडगु शुक्रवा: सिलाख चतुर्दसी (फागुन ६) ४ ता:लय् दुने छ्वया: हयादिइमा: ।

## कविताया भासं

नाहित्तया धर्म व:त नुइकावलय् सफुतिं

### थी थी

वेलुनय फयतया  
भिन्तीम्ह नं मचा ख:  
फय पिच्चया वंगु खना:  
खैम्ह नं मचा ख:  
फय छथासं मच्चं धैगु  
मस्युम्ह नं मचा ख: ।

### न्वा खं

इम् तयगु बाखं  
कना चना थौं  
धयै कुमि व  
पतित दुथाय ।

### इच्छा

न्याक्व वुरा जूसां  
न्हू दँ वलकि  
नगुलय् भयवी  
तपवरसां क्य के  
तकू स्वां क्य के  
थ्व स्यवय्  
थौं मखुसा  
हानं हानं अझ हानं ।

## जिगु म्

जि जिमांया  
लखं लखं वंम्ह काय्  
छुयाय् थौं  
च्यासं: वंगु  
वालगरी साइकल स्वयानं  
जिगु कमाइ भतीचा ।

### सुख

दु:ख धैगु  
इना काये फयेवं  
सुख धैगु ला  
भीके ल्वी

## नेवा: भ्वाइस मेल - २२६१५९

## व्वमिपिन्त

छु नं कथंया खँ छिं  
थ: पासायात, संघ-संस्था,  
श्री ५ या सरकारया निकाय  
यात चिइहाकल नुगलय्,  
थीक धायेमा:सा छिं, नेवा:  
भ्वाइस मेलय् फोन याना: थ्व  
हे पत्रिकाया माध्यमं खँ  
तयादीफु ।  
थुकिया निरिं: मंगलवा:  
पतिकं न्हिनय् ५ ता निसें ६ ता

तक २२६१५९ लय् फोन  
यानादिसँ अले भ्वाइस मेलं  
थ:गु खँ तयेत इनाप यायेवं  
ता: हाक विप लिपा थ:गु खँ  
नां, थायवाय्, दुसा फोन ल्या:  
रिकर्ड यानादिसँ ।

# रौनियारया ल: ट्यांकी

## मारवाडीया शवबाहन गुबले तक !

स्वनिगलय् चर्चिपि नेवा:तसें  
थौं तक नं गर्व यानाचवंगु हे दु -  
नेवा:त सित धा:सा सनांगु दु,  
गुधियारत मुना: सिथं यंकी, सी  
उइ । विश्वयाहे संघ-संस्था, अझ  
थौं कन्हय्या भासं धीयेगु ख:सा  
एनजीओ धइगु नेवा:तयके जुग  
न्य:निसे दु । व धइगु गुधि ख: ।

तर आ: तक नं  
मुक्कं नेवा:तयगु वस्ती  
धका: धाय् ज्युनिगु पुलांगु  
येँ देया गुगु त्वालय् मनु  
छम्ह सित धायेवं  
काचाकाचां फसिकेवलय्  
चवंगु (आ:ला फसिकेवया  
नां हिला रञ्जना मार्ग  
जुइधुकल) मारवाडी सेवा  
समितिया शवबाहननि  
का:वने हथाय जुइ थुंकी ।

उलि जक मखु, भी  
थायया तीर्थ धयात:गु खुसिइ  
ध:वा: जक वनीगु जूगुलिं  
सीम्हय् ल: छायेत, म्व:  
लुइत व सनां वना: सी  
ऊगु स्वयेधुंका: मिखा पीत  
तक येँ देसय् हे मारवाडीया  
शरणाय् वने मा:गु  
जुइधुकल ।

टंकेश्वरय् चवंगु घाटय्  
थुकथं हे लया ट्यांकी छगु: दयेका:  
त:गु दु - रौनियार पुचलं ।  
टंकेश्वरया दिपय् सी उइत वनीपिं,  
घाटय् श्राद्ध यायेत वनीपिं सकसित  
व छगु: ट्यांकी गुलि ग्वाहालि

- सुरेन्द्र -  
यानाचवन जुइ व धयाचवने मा:गु  
खं मखु ।  
थन मारवाडीतसें नेपा:  
गालय् नेवा:तय् दथुइ वया: वनेज्या  
जक मखु, समाज सेवा नं छाय  
या:गु धका: न्यस: चिं थने त्यनागु

नेवा:तय् दथुइ नं तत:धीपिं साहु  
महाजनत मदुगु मखु, छुं भचा सां  
लाय् तया: वनेज्या यानाचर्चिपिं व छुं  
छगूसालजगा: ज्वना: नेवा:त थन  
मारवाडीत सिके तसकं आपा: हे दु ।  
समाजसेवा यायेत ला भीत  
आधुनिक समाजसेवाया गुगु  
परिभाषा म्वा:, भीगु धर्म भिभिगु  
ज्या यायेगु ख:, भी पुर्खापिसं  
स्वनिगलय् जक मखु स्वनिगलं पिने  
नं दयेकाथकूगु फल्वा, सत:, ज:धूं  
आ:तक नं ल्यनाचवंगु दु ।

व छुं छगूसालजगा: ज्वना:  
नेवा:त थन मारवाडीत सिके  
तसकं आपा: हे दु । समाजसेवा  
यायेत ला भीत आधुनिक  
समाजसेवाया गुगु परिभाषा  
म्वा:, भीगु धर्म भिभिगु ज्या  
यायेगु ख:, भी पुर्खापिसं  
स्वनिगलय् जक मखु स्वनिगलं  
पिने नं दयेकाथकूगु फल्वा,  
सत:, ज:धूं आ:तक नं  
ल्यनाचवंगु दु ।

उलि जक मखु ज्ञान  
विज्ञान ब्यलय् नं नेवा:त  
न्हापां निसेँ आ:तक नं सुं  
स्वयां म्हो मजू । थगुने पिदंगु  
'मानव विकास प्रतिवेदन' नं  
थ्वहे खँ धयाचवंगु दु ।  
आ: भीके मन्त सा  
छता हे जक मन्त व ख: नुग:  
मिखा चायेका: स्वयेगु । अथे  
जूगुलिं नुग: मिखा चायेका:  
स्वयेनु । पिने पिने जक आत्म  
गौरव यायेगु त्व:ता धात्थेँ हे  
दनुगलं निसेँ नेवा: ज्यागुया गर्व  
तायेकेनु, अले थुगु गर्वयात  
म्वाकातयेत न्याचिलेनु ।

मखु, इमित कुं खिने त्यनागु नं  
मखु । तर इपिं न्यच्युथेँ नेवा:त नं  
छाय न्यचिले मफुत धइगु खं जक  
थन न्हवने त्यनागु खं ख: ।  
थौं थ:गु हे थासय् लागाय्  
तीपिं मनुत जुया: नेवा:त छाय  
म्वायेमाल ? गन कि तापालं वया:  
थन थ:गु पुच: मुंका: जुइपिं

मारवाडीत छठ पर्व न्यायेकेत वहे  
टंकेश्वरया विष्णुमती खुसिइ थ:गु  
हे कूल भूमिया खुसि थें म्व: ल्हया:  
सना: जुइगु भीसं देय्दसं खना  
चवनागु हे दु ।

नेवा:तय् दथुइ नं तत:धीपिं  
साहु महाजनत मदुगु मखु, छुं भचा  
सां लाय् तया: वनेज्या यानाचर्चिपिं  
व छुं छगूसालजगा: ज्वना:  
नेवा:त थन मारवाडीत सिके  
तसकं आपा: हे दु । समाजसेवा  
यायेत ला भीत आधुनिक  
समाजसेवाया गुगु परिभाषा  
म्वा:, भीगु धर्म भिभिगु ज्या  
यायेगु ख:, भी पुर्खापिसं  
स्वनिगलय् जक मखु स्वनिगलं  
पिने नं दयेकाथकूगु फल्वा,  
सत:, ज:धूं आ:तक नं  
ल्यनाचवंगु दु ।

उलि जक मखु ज्ञान  
विज्ञान ब्यलय् नं नेवा:त  
न्हापां निसेँ आ:तक नं सुं  
स्वयां म्हो मजू । थगुने पिदंगु  
'मानव विकास प्रतिवेदन' नं  
थ्वहे खँ धयाचवंगु दु ।  
आ: भीके मन्त सा  
छता हे जक मन्त व ख: नुग:  
मिखा चायेका: स्वयेगु । अथे  
जूगुलिं नुग: मिखा चायेका:  
स्वयेनु । पिने पिने जक आत्म  
गौरव यायेगु त्व:ता धात्थेँ हे  
दनुगलं निसेँ नेवा: ज्यागुया गर्व  
तायेकेनु, अले थुगु गर्वयात  
म्वाकातयेत न्याचिलेनु ।

मखु, इमित कुं खिने त्यनागु नं  
मखु । तर इपिं न्यच्युथेँ नेवा:त नं  
छाय न्यचिले मफुत धइगु खं जक  
थन न्हवने त्यनागु खं ख: ।  
थौं थ:गु हे थासय् लागाय्  
तीपिं मनुत जुया: नेवा:त छाय  
म्वायेमाल ? गन कि तापालं वया:  
थन थ:गु पुच: मुंका: जुइपिं

## छिगु दब्

### भव्यबलय् ला लोडसेडिङ्ग यायेमजिल !

जलस्रोतया तमि देय्  
धका: धा:सां, टनकपुरया विजुली  
वल धा:सां भीथाय देसय् देन्यक  
लोडसेडिङ्ग आ: तक च्यूगु  
मदुनि । तर लोडसेडिङ्ग जूसां  
स्वनिगलय् थीथी मू-जात्रा व  
संस्कृति हनेगु इलय् लोडसेडिङ्ग  
मयानाव्यूगु ख:सा थुकिया मार  
लानाचर्चिपिं मनुतयत भचा जक

सां राहत जुइगु खइ ।  
गथे कि वंगु श्री पंचमी  
खुन्हू स्वनिगलय् आपालं इहिपा  
न्यात, पस्ता-भ्वय पार्टी न्यात ।  
तर विद्युत् प्राधिकरणया सुं छम्ह  
हाकिम व सरकारया मन्त्रीतय्  
उलिहे विचा: वंगु मखु । अथेला ई  
व लोड स्वया: छुं हे सुचं मव्यूसे  
गुवले न्हापांसा गुवले लिवाक्क

लोडसेडिङ्ग यायेगु ज्या विद्युत्  
प्राधिकरणं मया:गु मखु ।  
अथे जूगुलिं लिपां लिपा  
थुज्व:गु खँय नेपाल विद्युत्  
प्राधिकरण व सम्बन्धित  
मनुतयसं थुकी विचा: यानादी  
धइगु मनं तुना: दीगु न्हिपी पाखें  
वयक:पिन्त इनाप यानाचवना ।  
श्याम श्रेष्ठ, ढल्को, क्षेत्रपाटी

## छिगु छँय

### छु नल धा:सा छु फाइदा जुइ ?

- प्वाथय् किमि दाइवलय् लैया ह: सिला: न:सा फाइदा जुइ ।
- प्याज चायेवलय् लखय् प्याका: चा:सा मिखा पालुइ मखु ।
- छेंय रङ्ग तयेवलय् उकी भतिचा चि तयाव्यूसा रङ्ग नं गाढा  
जुइ अले याकनं थ्वयो: नं जुइमखु ।
- रङ्ग थ्वया: वनिगु लंयात निभालय् मपा:सा रङ्ग थ्वयो:  
वनिमखु ।
- वा वडवलय् लाकां प्याना: हैरान जूसा लाकां दुने पुलां-पुलांगु  
ज्यालगय् मज्जुगु अखवार भ्वं कोचे यानादिसँ, कन्हय्कुन्हू  
सुथय् हे लाकां गनि ।
- तुल्सी ह: न्हियान्हिथं न:सा फुक्क रोगत तनावनि ।
- अम्बलय् भिटांमिन सी गाक्क हे दइगुलिं स्ययेखं चाइवलय्  
न:सा फाइदा याइ ।
- कागती यक्व नये मज्जु । यक्व नल धा:सा किड्नी सम्बन्धी  
ल्वय्त थाइगु संभावना दइ ।

## एफ.एम. ज्याइव:

### स्वनिग: सच्चि

वहनी  
१०:०० पब्लिक डिमाण्ड  
११:०० न्यनेकने  
११:४५ स्वनिगं: डायरी

## के.ए.टी.एच. ९७.९

वहनी  
१०:०० म्हिग: व थौं  
१०:३० मतिना याये स:  
११:०० चकं दवू

## मेट्रो एफ.एम. १०६.७

वहनी  
८:०० भी नेवा:  
कन्हय् सुथय्  
६:१० बौद्ध प्रवचन  
७:४५ यौया मस्त लिसे

## हिट्स एफ.एम. १००

वाछिया छक: वुधवा: सुथय्  
११:०० नेवा: पप

## कान्तिपुर एफ.एम. ९६.१

हरेक सोमबा: व वुधवा:  
सतिलय् ६:०० नेपालय्

## रेडियो सगरमाथा १०२.४

हरेक शनिवा:  
१०:०० नेपाल भाषा ज्याभव:

## नेपाल टेलिभिजन

१०:०० सांग्रीला च्यानल डे टिभी  
५:०० चेतना  
५:३० बाल कार्यक्रम  
६:०० टिभी शप  
६:२५ कृषि कार्यक्रम  
६:४५ अभिव्यक्ति  
७:०५ हाप्पी स्वास्थ्य  
७:३० पर्यटन बोर्ड सम्बन्धी  
कार्यक्रम  
८:०० समाचार  
८:२५ टेलिचलचित्र  
९:०० गीताञ्जलि  
९:३० जागृति  
१०:०० अंग्रेजी संमाचार

## टिभीया सकिपा

जी सिनेमा  
१०:१५ अप्रिल फुल, १:६५ राम  
अवतार, ५:४५ सर्पिली, १०:१५ एक  
ही भूल  
सोनी  
३:१५ आविस्कार  
जी टिभी ३:१५ दौलत की जग

## छुनाखँ

अजिया न्हयोने प्यं उले मछा =  
मा: थाय् मा:गु ज्या याना क्यने  
मफइगु, मछाले न्वा:थाय् मछाला  
जुइगु ।  
अंगलं त्वं वाइ मखु, धलिमं क्तुं  
वडमखु = प्यखे असहाय जुसँलि  
देवनं ग्वाहालि मयाइगु ।  
अंगलय् च्यायात:म्ह अत्तुं हिग तुने  
य: = गवले गवले असम्भवयागु  
ज्याखनं सम्भव जुइफु ।

## न्हिलादिसँ

दिलिप - अय् राम, छं छुनाखँ धैगु  
छु स्यूला ?  
सरोज - उलिनं मसिइमाला, छु  
नां खँ धइगु 'छंगु नां छु धा:गु' का  
मखुला ?

## भीगु भासं

धकू (नां) - थवा, तिसा, थलवल  
आदि सुरक्षापूर्वकं तयेगु थाय् ।  
प:सिं (नां) - हि त्वनीम्ह मनु धका:  
धयात:म्ह, कुविद्या सयेकात:म्ह  
मनु, वोक्सी ।

व:चा धग् नेवा: खँवधुक्पाखें



**मेपिनिगु मिखाय  
भी नेवाः**

- सुनीतिकुमार चाटर्जी -

“नेवाःतयगु सांस्कृतिक उपलब्धिया गौरव उमिसं दयेकूगु बाबालाःगु भवन- लायकू, देगः व ततःखागु छेपाखें नं क्वःछीफु । देगः दनेगुलिइ सीदयेक खनेदुगु नेवाः शैलीया अध्ययन थ्वलिसे ज्वःलाःगु थीथी निर्माण- तःतदुगु चिनिया चैत्य (पागोडा) व टाभान्कोर व कोचिनया सिं व ल्हंया देगःलिसें ऐतिहासिक रुपं जुइमाः ह्याउं- गुलावी रंगया अप्पां दयेकातःगु ध्व संरचना, अले उकी क्रियातःगु अजूचायापुक्क बांलाःगु काष्ठकला (अप्वःथे पुलां जुयाः जिनावगुलिं व रंग पानातःगुलिं हाकूगु रंगया जुयाच्वंगु दु) व पालापलाथीगु कंय वा सिजः वा लीया पाताय क्रियातःगु बुझा व छयपा धात्येहे वास्तुकलाया रत्न थें जुयाच्वंगु दु । यल, ये व ख्वपया लायकू नेवाः वास्तुकलाया मू हे मदुगु संग्रहालय खः, अले उकिया सौन्दर्यया कारण ध्व वास्तुकलां जाःगु धाययान पश्चिमया ब्रसेल्सया ग्रायण्ड-प्लेस स्ववायर थेंजाःगु मध्यकालीन वास्तुकला समूह मध्ये दकलय नांजाःगु छुं समूहलिसे ज्वःलाकाः न्यथने फु । थ्व थाय स्वः वनीपिं सुयातं नं थुपिं प्रतिभाशाली आर्य-मंगोल परिवारयापिं नेवाःतय कलात्मक प्रतिभा गुलि च्वन्त्याः धइगु खंय मेगु स्वयाः अप्वः पत्याः याकाः वी ।”

(सुनीतिकुमार चाटर्जी उगु विचाः किरात-जनकीर्ति नांगु सफुतिइ तयादीगु खः ।)

**काय् बुइकेगु नितिं च्वनीगु अपसं**

ये महानगरपालिकां पूर्वपाखे च्वंगु ऐतिहासिक संक्व शहया सालिनदीइ थौंकन्हय मेलालगे जुयाच्वंगु दु ।

विशेष यानाः प्रत्यक वर्षया पोहेलाथ्व पुन्हि निसें अन तःधंगु मेलालगे जुइगु परम्परा दु । थौंकन्हय छे छैय कनीगु स्वस्थानी वाखनय तकन उल्लेख जुयाच्वंगु उगु सालिनदीइ थौंकन्हय व्रत अथेधैगु अपसं च्वनीपिं यक्व मिसात दु । गुलिं- गुलिं मिसात धलं दनीगु नं याः । पोहेलाथ्व पुन्हि निसें सिल्लाथ्व पुन्हितक लच्छियक च्वनीगु उगु व्रत च्वन धाःसां काय् बुइ धैगु जन धारणा दु । उकिं विशेष यानाः काय् मदुपिं मिसात अपसं च्वनीगु याः । थुगु अपसं च्वनीबलय

लच्छितक न्हिया न्हियं छछ्राः जक नयाः च्वनेमाःगु परम्परा दु । थौंकन्हय अप्वःयानाः खंयनित अपसं च्ववयेगु यानाच्वंगु खनेदु ।



सालि नदी धलं दनाच्वीपिं मिसात ।

ऐतिहासिक संक्व शहरय सिल्लाथ्व पुन्हि अथे धैगु वाखं कनेक्वचाइगुन्हि खुन्दु तःधंगु मेलालगे जुइ । संक्व शहरया सालिनदीइ च्वंगु ल्हंत छैय-छैय तयाः यःया रूपय पूजा यानातइगु परम्परानं खनेदु ।

सालिनदीइ मेला जुइगु इलय वहे खुसि सिथय वयाः स्वस्थानी वाखं कं वइपिं ब्रम्हूत मदुगुनं मखु । थौंकन्हय उगु खुसिइ वयाः न्हिया न्हियं स्तान

याःवइपिंनं यक्व हे खने दु । थौंकन्हय सालिनदीइ वनेत छगु तःधंगु ध्वाखानं दयेकूगु दु । संक्व देसं पिहां वनेगु उगु ध्वाखाया नां सालिनदी ध्वाखा खः । सालिनदी ध्वाखा वाहेक नं संक्वय ऐतिहासिक ध्वाखा प्युगु खने दु । उगु ध्वाखातयगु नां छसिंक्थ म्थ्यायमचा ध्वाखा, भौमचा ध्वाखा, सी ध्वाखा व यः ध्वाखा खः । थुपिं प्यंगु ध्वाखायात तसकं महत्वपूर्णगु ध्वाखात खः धकाः संस्कृतिविद व इतिहासकारतयसं कायेगु यानाःवयाच्वंगु खने दु ।

- दीलिप संक्व

**दलित जातितयसं संघर्ष याइगु**

ये नेवाः पोष्ट/ हितिइ, गालय, पसलय व देगलय उत्पीडित दलित जातितयत छुवाछुतया दुर्व्यवहार याःगु कारणं नेपाल उत्पीडित दलित जातीय मुक्ति समाज आः यान्कं हे संघर्ष यायेत्यनागु खं समाजया अध्यक्ष पदमलाल विश्वकर्मा धयादीगु दु ।

उगु खं वयकलं ये जिल्ला क्षेत्र नं १ स्तरीय दलित भेलाय न्ववानादीगु खः । उगु भेलाय काठमाडौं जिल्ला कमिटीया गमवहादुर सुनवार, उर्मिलादेवी विश्वकर्मा, शान्ता लामागादेव रूद्र वराइलीनं थःथःगु नुगःखं

प्वंकादीगु खः ।

उगु भेला कान्छवहादुर दुलालया संयोजकत्वय १ नं इलाका तयारी समितिनं गठन याःगु दु ।

उगु समितिइ सह-संयोजकय कृष्णवहादुर वि.क., छयाञ्जेय सुरेन्द्र वि.क., दांभरिइ कृष्ण वि.क., ल् दांभरिइ श्याम सुन्दास व दुजलय पेम वि.क., शुक्रदेव विशंखे, जतिमान पुर्कोटी, श्याम मिभार व उपा सुनार च्वनादीगु दु ।

**“ज्याक संगीत”**

ज्याइवः याइगु

ये नेवाः पोष्ट/ संगीत प्रेमीतयगु नितिं इन्फिनिटी इन्टरनेशनल थ्व हे वइगु फागुन १२ गते “ज्याक संगीत” ज्याभवः प्रदर्शन यायेत्यगु दु ।

उगु ज्याभवलय “एलियन एण्ड द ज्याक कमिसन” नांगु व्याण्डया संगीत ज्याभवः प्रदर्शन जुइगु खं ग्वसाः खलकं धाःगु दु । ज्याक संगीत ज्याभवः येया सोल्टी होटेलय जुइगु खं सीदुगु दु ।

**यलया जमः पुखूया जीर्णोद्धार**

यल (नेवाः पोष्ट)/ यल उपमहानगरपालिका वडा नं २१ या पिम्बवाः व छयवहाः त्वालयेच्वंगु ऐतिहासिक जगः मरू-पुखू नामं म्हस्युगु जमः पुखूया जीर्णोद्धार ज्या तीव्र रूपं न्ह्यानाच्वंगु सीदुगु दु ।

स्वलायादुने जीर्णोद्धार ज्या क्वःचायेकेगु आजु तया ज्यान्त्याकाः च्वंगु उगु पुखू कलात्मक रूपं दयेकीगु खं २१ वडाध्यक्ष भांजु चन्द्र महर्जन नेवाः पोष्टयात जानकारी वियादिगु दु ।

यल उप-महानगरपालिकाया वंगु दया वजेत पुस्तकाय पीगु लाख तकाया वजेत दयेकेगु योजना दुगु

उगु पुखू जीर्णोद्धारया नितिं नगर पालिकाया सिफारिसय युडिएलई पाखें भिखुगु लाख न्ययप्यद्वः व पीन्यातका तका दां उपलब्ध याये धुंकागु दु ।

उकि मगाःगु दां स्थानीय २१ वडा वासिन्दातयगु नीगु प्रतिशत श्रमदान व मेगु दां यल उप-महानगरपालिकां तइगु जूगु खं वडाया नायाः चन्द्र महर्जन धयादीगु दु ।

यल देशय वुंगचोः विज्याके सिवें न्ह्यः थनि भिन्त्यासः दै पुलांगु धुकूयानाः तःगु उगु पुखू टिका भैरवया छम्ह लाखे नं चच्छिया दुने दयेकूगु किंवदन्ती न्यने दु ।

**प्रज्ञानन्द स्मृति म्येचाः पितव्वज्या**

ये नेवाः पोष्ट/ राजपरिषद् स्थायी समितिया सभापति डा. केशरजङ्ग रायमाझी नेपाःया न्हापांम्ह संघ महानायक प्रज्ञानन्द महास्थवीर पाखें च्वयादीगु म्यासेट “प्रज्ञानन्द स्मृति म्ये मुना” म्येचाः पितव्वज्या यानादिल ।

किरण शाक्य संगीत तयादीगु उगु म्येयालय मृगुराम श्रेष्ठ, मदन कृष्ण श्रेष्ठ, रमना श्रेष्ठ, लोचन भट्टराई, सपनाश्री, सुमन कपाली व

काजीरत्न शाक्यया सःदु ।

बुद्धिष्ट कम्प्युनिकेशन सेन्टरया ग्वसायलय जूगु उगु ज्याभवःया मू पाहं डा. केशरजङ्ग रायमाझी कलाकारतयत उपहारनं वियादीगु खः । बुद्धघोष महास्थवीरया सभापतित्वय जूगु उगु ज्याभवलय अनागरिका ज्ञानवती गुरुमां, धर्मपाल महास्थवीर, सुदर्शन महास्थवीर व विमला शाक्यपिन्सं थःथःगु नुगःखं प्वंकादीगु खः ।

**“उदाय समा” पितव्वज्या जुल**

ये नेवाः पोष्ट/ उदाय समाज येया लय-ख्वाःपौ “उदाय समा” छगु ज्याभवः दथुइ पितव्वज्या जुल । भवाःवहाःया कवः थकुलि ११ दंयाम्ह ज्याथः हेराज्यात तुलाधर उगु ख्वाःपौ पितव्वज्या यानादीगु खः ।

प्रचार छ्याञ्जे अमीर ताम्राकार लसकुस यानादीगु उगु ज्याभवलय सल्लाहरकार भाजुपिं

पूर्णकाजी ताम्राकार व सानुरत्न स्थापितपिन्सं थःथःगु नुगः खं प्वंकादीगु खः । छ्याञ्जे कृष्णहरि स्थापित न्ह्याकूगु उगु ज्याभवलय कवः प्रतिनिधि पाखें अमृतमान ताम्राकार, मूछ्याञ्जे लाभरत्न तुलाधर थः थःगु नुगः खं प्वंकादिल । उगु ज्याभवः नायः नानिभाइ स्थापितया सभापतित्वय जूगु खः ।

**येय् अन्तर्राष्ट्रिय सफू ब्वज्यायाइगु**


ये नेवाः पोष्ट/ ग्लोबल एक्स्पोजिशन एण्ड मेनेजमेन्ट सर्भिसेज प्रा.लि.या ग्वसालय येया भूकुटी मण्डप प्रदर्शनी हलय प्यक्वःगु शैक्षिक भेला व अन्तर्राष्ट्रिय सफू ब्वज्या यायेत्यंगु दु ।

थ्वहे वइगु जेष्ठ २ गते निसें ८ गते तक जुइगु उगु ज्याभवलय देय व विदेशया शैक्षिक

संस्था, विश्व विद्याल, तालिम केन्द्र, स्कूल, कलेज, प्रकाशक, उत्पादक व विक्रेतातयसं ब्वति काइगु खं ग्वसाः खलकं धाःगु दु ।

राष्ट्रिय पुस्तक विक्रेता एवं प्रकाशन संघया समेत सहभागिताय उगु प्रदर्शन यायेत्यंगु खं सीदुगु दु ।

**देशय/चन्द्रमान**



यःखःहे लामिइगु शोकेस ! - पौ मदयाः फःजक जुयाच्वंगु फल्वाय यःखः जक नं ल्वयेफु ला पसुः जकनं ल्वयेफु तर यःखः हे लातयेगु शोकेस थें जुयाः लापसः च्वनाः च्वंवलय छु धायेगु ?

**डा. योगी विकासानन्द**

**निरपेक्षवाद**



उकि थौं सु कलाःया पति जुयेगु कुतलय व्यस्त सा, सुं धनया पति, पदया पति अले राष्ट्रया पति जुयेगु कुतलय । अज सु-सुंला विश्वया हे पति जुयेगु म्हगस खंकाच्वंगु दु । थुपिं विभिन्न दर्जायपिं पति याने थुवाः याने लगडा । विभिन्न तुतांया खोजय व्यस्त !

थःगु तुति गुलि गुलि कमजोर जूगु महसूस जुइ उलिउलि हे बलाःगु तुतांया आवश्यक जुइ । उकि कलाः पति जुइपिनिसिकं धनया पति जुइपिनि तुति कलाइ मखु ! धनया पति जुइपिनिसिकं पदया पति जुइपिनि तुति भं हे कलाइ मखु । थुकथं दकलय सकलय लंगडाम्ह मनू हे विश्वपति जुइगु कुतलय व्यस्त जुइगु त्याजिउ वइ ।

बुद्ध ला नगरपति खः तर वसप्वल छाय नगर त्वःतल ? छायकि वसःवल भी थें लंगडा मखु तुतांमं चुयाः जुयेत ! उकि वसप्वल नगर या, कलाःया पति जुयेगु नं त्वःतल । वसप्वल नं पति हे खः तर करकिया मखु थःया हे । वसप्वल थःया हे थुवाः खः उकि विश्वया हे थुवाः जुये फंत । कामनाया कति वसप्वलया नुगलय की मफुत, कामनाया कति खत नल । गुम्हसे संसारयाके पवन, लुटययात इपिफुक्क संसारं लुटय याकाच्वने माल । तर बुद्ध मपवं, दुगु नं त्वःता विल । लुटय यायेगु कुतः मखु, लुटय याके वीगु (थःतं) कुतः यात उकि वसप्वल वचय जुल । फर्वापिनि काः पवन तर विउम्ह बुद्धया काः जाल । संसारयात लुटय यायेत सपिं लुटेरात स्वयं लुटय जुल । संसार प्रति समर्पित जूम्ह बुद्ध संसारया थुवा जुल ।

अःखः सिद्धान्त गय नाला काये फइ थें । थ्व फुक्क मनुतसें अःखतं चुयाः याने छयतं चुयाः संसारयात स्वयाच्वंगु दु । उकि थुमिसं न्ह्यःखःयात अःख अले अःखःयात न्ह्यः खः कथं थुइकाच्वंगु, उकि थुमिस मृत्युयात जीवन अलेजीवनयात मृत्यु खनाच्वंगु !

कथं

**सकतां फोटो सेवा**

- प्रेस फोटो
- जात्रा, पर्व, नखःचखः
- स्वनिगःया नांजाःगु थाय्या क्पिपा
- इन्डोर, आउटडोर सेवा
- इन्लार्ज, क्पिपा माउण्ट
- नापं भिडियो मूभि माःसा



**सिटी फोटो सेन्टर**


छत्रपाटी चुक (बंगल सिमाया न्ह्यःनेसं), ये फोन ल्याः २६०८८१

**नवाश्रयाश्र**

नेपालभाषाया न्हिपौ न्हिया न्हियं  
नेवाःतयगु नुगः त्याका यंकेफयेमा  
धकाः भिंतुना देछाना ।

वडा अध्यक्ष  
विजयकृष्ण श्रेष्ठ  
कामपा २० वडा





मरुत्वालय स्तूपः जूगु १०८० कुमारी पूजाया स्वंगु लूः कुमारी मस्तयत पूजा याये न्यः तुति सीका बियाचंगु ।

पूजाया भवलय भवः छुनाः कुमारीपिन्त दक्षिणा, नसात्वंसा इनावयाचंगु ।

छम्हेस्यां कुमारीयात चकलेट छानाचंगु ।

## कम्प्यूटर दःसा फ्याक्स न्यायेम्बाः

**फ्या**क्स मेशिन तसकं थिके । वीस पच्चीस हजार मदयेक ला फ्याक्स न्यायेगु विचाः हे दयेके म्बाः । तर छिके कम्प्यूटर दःसा फ्याक्स मेशिन न्याये म्बाः खः थ्व सत्य खं खः । तर यक्व कम्प्यूटर धनीतयसं थ्व खं मस्यु ।

कम्प्यूटर हे फ्याक्सया ज्या कायेत छिके छगू फ्याक्स इनेवल्ड मोडम, फ्याक्स सफ्टवेयर अले ठिकक वृद्धि दूगु न्यापु दःसा गाः । इमेल वा इन्टरनेट सर्भिसया लागि न्हापा हे मोडम छयलाचवनादीगु दुसा ला भन हे जिल ।

थुलि सामान दःसा आः छि कम्प्यूटरया हाई डिस्क्य फ्याक्स सफ्टवेयर छगू तयादी माः । गथेकी चेयेन्ने विटवेयर, डेलिना फ्याक्स प्रो, विन फ्याक्स आदि । मोडेम न्यायेगु थासय हे थुज्वःगु सफ्टवेयर सिक्तिकं तयेगु याः । मोडेम फ्याक्स सिवें यक्व हे दंक लाः ।

**फाइदा**  
कम्प्यूटर फ्याक्स छवये वलय यक्व हे फाइदा दु । दकले न्हापां ला थुकिं फ्याक्स छवयेवलय हरेक डकमेण्टयात प्रिन्ट याये हे माःगु समस्या दइमखु । अले व्यापारिक उद्देश्यं छितः यक्वः परिमाणय फ्याक्स छवये माःसा थुकिं तसकं अःपुकां विई । फ्याक्स सफ्टवेयरया मल्टि फ्याक्सिङ्ग फिचर्स छितः छगू हे म्याटर गथेकि निमन्त्रणा आदि

यात छकलं यक्वः मन्तयत छवये फइ । नत्रसाला छिं छगू-छगू यौनाः फ्याक्स छवये मालि । थुकिं छिगु समय व घन निगू हे वचत जुई ।

अले कम्प्यूटर फ्याक्स छवयेवलय दइगु मेगु फाइदा खः - फ्याक्सया कभर पेज, अले



कम्पनीया लोगो, नां, ठेगाना थतः माःकथं तयेफइगु ।

थ्वला जुल फ्याक्स छवयेगु वारे खं । तर छु कम्प्यूटर फ्याक्स रिसिम नं याइ ला ? अवश्य । फ्याक्स मेशिन थे हे कम्प्यूटर फ्याक्स रिसिम याइ । अथेरिसिम जूगु फ्याक्सत सेम यानानयातय नं ज्यू, अले माःकथं प्रिन्ट यानाः काःसां ज्यू । फ्याक्स रिसिम यायेगुया निति फ्याक्स मेशिन अन याये थें हे कम्प्यूटरया हाई डिस्क धाःसा अन ज्याचवने माः । कम्प्यूटरय रिभि जूगु

फ्याक्स, फ्याक्स मेशिनय थें थिकेगु अर्थल पेपरय प्रिन्ट यानाचवने म्बाः । मेमेगु डकमेण्ट प्रिन्ट याये थें हे सामान्य भ्वं पाखें हे प्रिन्टर फ्याक्स प्रिन्ट याइ ।

अले छितः म्बाःगु फ्याक्स त गथेकि सुयागु निमन्त्रणा आदि प्रिन्ट याये हे माःगु वाध्यता नं मदु ।

**विदेसय नं छवये ज्यू**  
विदेसयः फ्याक्स छवयेत आइएसडी लाइन म्बाः । लोकल लाइन जकः दुसां गाः । तर थुकिया नितिं छि इन्टरनेट सुविधा वीपि कम्पनीत गथेकि मकण्टायल, वर्डलिङ्ग आदि या फ्याक्स टु फ्याक्स एकाउण्ट दयेमाः फ्याक्स टु फ्याक्सया सुविधातयत इन्टरनेटया सुविधा दये हे माः धयागु मदु । फ्याक्स टु फ्याक्स फ्याक्स छवयेवलय दूर संचारया रेट सिवें ५ गुणा कम ध्यवां छि फ्याक्स छवयादि फइ ।

**अले छुं वैफाइदात**  
फ्याक्स रिसिम यायेत कम्प्यूटर 'अन' याये हे माः अले न्याथे हे महत्वपूर्ण जूसां कम्प्यूटर फ्याक्स छवयेवलय ल्हाःति साइन याये मज्यू । अले छुं-छुं कम्पनीया लोगो नं कम्प्यूटरय दयेकेत थाकइ । तर यदि छिके स्थानर दुसा थ्व समस्या नं हल जुई ।

## खायात सा हायेकेगु तयारी


अमेरिकाया ओहिथो राज्य छम्ह जोन स्मिथ थः खायात सा थें हायेकेगु स्यंगुलि पशु अधिकारया नितिं सना च्वीपिं कार्यकर्तातयसं विरोध प्वकगु दु । उमिसं जोन स्मिथया छें न्यःने धनां च्वंगु खं नं सिइदगु दु ।

व थ्व उपलब्धि हासिल याःगु खः । छाय अथे यानादीयागु ले ? धकाः न्यसः तःवलय वयकलं थये धयादिल- खां न्हिच्छी-न्हिच्छी 'कुकल्यां कू' जक हालाचंगु दः न्येने हे मयल । जित छु मेगु हे सः न्येनेगु इच्छा दत । अयु जुगुलि जिं थये यानागु खः । वं कठोर परिश्रम यानां सां थःगु लक्ष्य प्राप्त यानां तु त्वःतल । थौकन्हय वयाः खां 'कुकल्यां कू' मखु सा थें 'म्हा-

म्हा' हालि । तर वयागु उपलब्धि पाखें फुकु हे मनु खुशी जूगु जुई धकाः चाहिं छिं तायेकादी मते । जलाखलातयसं स्मिथया थ्व ज्या 'प्रकृतिया नियम' विपरीत खः धायें कुख्युंगु दु । "व शैतान खः, खायात नं सा थें हायेकेगु ला, थ्व ठीक मजू" उमिगु धापू दु । वयागु उगु ज्याया शिकायत थुलि अप्वः जुल कि अनया अदालतयाम्ह छम्ह न्यायाधीश थ्वहे माचं लागाय उगु मुद्दायात कयाः सुनुवाइ यायेत्यंगु दु । तर स्मिथ धाःसा पटकक हे मग्याः । "जिम्ह खायात न्यायागु नं यायेगु अधिकार जिके दु । छम्ह मिसां फाः नापं व्याहा यात । वयात उगु अधिकार दुसा जिमि खायात सा थें हायेकेगु अधिकार जिके छाय मदु ?" वयकलं न्यसः तयादी ।

### भित्तुना देछाना

नेवाःतयगु भाषा, जातिया आन्दोलनय छगू थपु जुयाः न्ह्याये फयेमा धकाः नेपालभाषां पिहांवःगु



न्हिपौयात भित्तुना देछाना ।

वडाअध्यक्ष  
**निरञ्जनकुमार श्रेष्ठ**  
कामपा १२ वडा

### नेपालभाषा न्हिपौ



नेवाःतयगु भाषा, जातिया आन्दोलनय छगू थपु जुयाः न्ह्याये फयेमा धकाः भित्तुना देछाना ।

वडाअध्यक्ष  
**राजेश श्रेष्ठ**  
कामपा ११ वडा



सकल नेवाःतयगु न्हिपौ जुयाः न्ह्याये फयेमा ! सकल नेवाःतयगु नुगः त्याके फयेमा !

वडा अध्यक्ष  
**लक्ष्मीकुमार महर्जन**  
कीर्तिपुर नगरपालिका ३ वडा



सकल नेवाःतयगु न्हिपौ जुयाः न्ह्याये फयेमा ! सकल नेवाःतयगु नुगः त्याके फयेमा !

वडा अध्यक्ष  
**त्रायमान महर्जन**  
कीर्तिपुर नगरपालिका ६ वडा